



ALVER KOMMUNE
Postboks 4
5906 FREKHAUG

Saksbehandlar, innvalstelefon

Hege Brekke Hellesøe, 5557 2352

Uttale - Oppstart - framlegg til planprogram - Alver - kulturmiljøplan 2024 – 2028

Vi viser til brev frå kommunen datert 11.11.2022. Saka gjeld oppstart av arbeid med temaplan for kulturmiljø. Statsforvaltaren meiner det er positivt at Alver kommune ønskjer å utarbeide ein samla kulturmiljøplan for heile kommunen.

Kommunane har ei sentral rolle i forvaltninga av kulturminne og kulturarven som ressurs for kunnskap, oppleving, bruk og gjenbruk, jf. nasjonale forventningar til regional og kommunal planlegging 2019-2023. Vestland fylkeskommune er forvaltningsstyresmakt med mynde etter kulturminnelova, og tek hand om både nasjonale og regionale kulturminneinteresser. Kommunen må difor leggja stor vekt på deira innspel i dette planarbeidet.

I nasjonale forventningar til regional og kommunal planlegging 2019-2023 er aktiv forvaltning av natur- og kulturminneverdiar trekt fram som eit sentralt emne under hovudpunktet «*Vekstkraftige regionar og lokalsamfunn i heile landet*». Der vert det mellom anna peika på at det er viktig for regjeringa å sjå utviklinga av bustad-, fritidsbustad- og næringsområde i kystsona i samanheng med natur- og kulturmiljø, friluftsliv, landskap og ålmenne interesser.

Endringar i klima påverkar også kulturmiljø, etter arealbruksendringar og manglande bruk som viktigaste årsaker til tap og svekking av kulturminneverdiane, og er viktig å ha med som bakteppe i planlegginga.

Kulturmiljøplanen bør tydeleggjera verdiar og peika på områder der det er potensiell konflikt. Det er bra at planen skal foreslå viktige kulturmiljø og kulturminne som bør få omsynssone for kulturmiljø (H570) i kommuneplanen si arealdel (KPA), eller sikrast gjennom føresegn. Dette arbeidet skal vere ferdig seinast februar 2023, og er første fase i planarbeidet. Vi stiller spørsmål ved om kunnskapsgrunnlaget er godt nok for å gjere ein god jobb med dette, så tidleg i prosessen med kulturmiljøplanen.

Vi er positiv til at jordbruk skal vere eit tema i planen. Vi legg til grunn at tradisjonelt landbruk og kulturlandskap vil inngå der.



Vi ønskjer elles lykke til med vidare planarbeid.

Med helsing

Egil Hauge
seksjonsleiar

Hege Brekke Hellesøe
seniorrådgjevar

Dokumentet er elektronisk godkjent

Kopi til:

Vestland fylkeskommune

Postboks 7900

5020

BERGEN